

نور و یوردی

نورک او مہاقلربک ناسر افطاری آیلر مجموعہ در

جلد : ۱ — ۲۱

شباط ۱۹۲۸
اون یدنجی سنہ

صافی : ۲ — ۱۹۶

اجتماعي هيئتلك اساس تشكلى ، ايستر قارل ماركس وتليدلى كې تاريخى ماده جيلكه، ايستر دورقهايم ، برغسون وامثالنه توفيقاً معنوى عامللره استناد اينديريلسين ، قطلى اولان بر حقيقت وار ايسه، اوده اخلاقك هر جمعيتك موجوديت وانكشاف ايجون اك بويوك بر مؤثر اولسيدر .

جمعيت و اخلاق يكدىكرى اوزرينه متقابلاً اجراي تأثير ايدن ايكي قوتدر . بونلرى بربرندن آيرى اولهرق مطالعه ايتك امكانى يوقدر . اساساً اخلاق نهدر ؟ بر هيئت اجتماعيه ايجنده اونى تركيب ايدن فردلك خصوصى وعمومى فعاليتنه وجهه ويره ن معنوى قيمتلك بر تركيبندن عبارت دكليدر ؟ بو قيمتلك شبيهه سز ، جمعيت ايجنده شايع اولان حيات تلقينه كوره مختلف زمانلرده ، مختلف شكل وماهيت آليرلر . ديكر طرفدن جمعيتك حيات تلقيسى ده عمومى وجدان اخلاقينك تعقيب اينديكى استقامتدن متأثر اولارق مقدر صفحات تكاملنى ياشار .

بواعتبار ايله اخلاق هر شيدن اول اجتماعى بر واقعه ، اجتماعى بر قيمتدر . فردى اخلاق آنجق هيئت اجتماعيه عاتق نسبتنده نظراعتباره آلابليرز . فرض محال اولارق جمعيت خارجنده ياشايان بر فردك اجتماعى هيچ بر قيمتى تصور ايديلميه چكى كې ، غايهسى اجتماعى اوليان اخلاقك ده جمعيت ايجون بر فائدهسى يوقدر .

جمعيت حياتنك كيتدكه مغلقيت كسب اينديكى زمانزده ، بوحياتك صوك شكل وافاده سنى تشكيل ايدن دولت ؛ قدرتى وسينه سنده تمثيل ايلديكى مفكوره لرى دولاييسيله اك يوكسك بر حقيقت اجتماعيه اولارق تظاھر اينمكده در . آرتق بو عصرده دولت ، صرف حال حاضرده ياشايان فردلك هيئت مجموعه سندن مركب واونلرك بيك بر تورلو امل واحتراصلرينه تابع بر شركت ماهيتنده تلقى ايديلمه مكدده در . دولت ، بر ملتك ماضى ، حال واستقبالنه عائد بتون مادى ومعنوى وارقليرنى تمثيل ايدن ودايماً افرادك موقت وفانى منافى فوقنده مقدر غايه سنده وصول ايجون چالیشان شعورلى بر قدرت عاليه در .

شبهه سز دولت ده نيلن بوسياسى واجتماعى تشكلك اساسى فردلره استناد ايدر . فقط بونلرك خصوصى هويتلى ، طبقى بر جسمك اجزاي فرديه سى كې ، دولت بنيه سى ايجنده دوچار تغير اولق مجبورينده در . بونلكه برابر دولتلك اك مهم وظيفه لرندن برى ده عناصر مركبه سندن اولان فردلك رفاه وسعادتى تأمينه چالشمقدر . بوسورتله دولت ايله فرد آراسنده دائى ومتقابل بر مناسبت وبوندن متولد قارشيلقه بر حقوق ووظائف موضوع بحث اولور .

شوراسى محققدر كه بو متقابل مناسبت ساحه سنده ، حياتنك اينديكى ، ومفكوره لرينك شمول واهيتى دولاييسيله ايلك وصوك سوز دايماً دولتكدر . افرادك واونلردن متشكل زمرة لك بو ساحه ده كى فعاليتلى آنجق دولتلك تمثيل ايلديكى عمومى ايده آلره تناس اينديكى درجه ده نظر اعتباره آلينير .

دولته اول امرده بر ممتاز موقع تأمين ايدلنكدن صوكره صره متقابل حقوق ووظائفك صراحتله تثبيتنه وبونلرك مؤيده لرينك تعييننه كايز . دولت حائنده متعضى جمعيتلرده بو حقوق ووظائفك عمومى خطلى تشكيلات اساسيه قانونلى ايله تثبيت ايدلشدر . بالخاصه اقتصادى عامللر تحت تأثيرنده مقانيزم سى اولدغه مغلقيت بر شكل آلان ووده موقراسى عمده لرنى قبول ايدن جمعيتلرده تشكيلات اساسيه قانونلى ، موضوع بحث ايندكلى حقوق ووظائفك كميت وكيفيتجه حائز اولدغى اهميته بناءً تدقيق ومطالعه سى ايجه مشكل برر كتابچه تشكيل ايدرلر . معافيه بومشكلاته رغماً بتون وطنداشلىرك ، اونلرى اوكره نسى ، بيايمسى لازم كايز . مى بر مغلوبيت وسياسى برتضييقك نتيجه سى اولارق ظهوره كن آلان انقلابى ، آلان ملتلك وجدانه يرلشديرمك ايجون تربيه ساحه سنده در صرف مساعى ايدن آلان متفكرلى ايلك مكيتلردن چيقان هر طليه وایمار قانون اساسيسندن بر نسخه ويرلسنى فائدهلى كورمشلر ، وبونى تطبيق ايتلشدر . اساساً مكيتيده ايكن بر چوق نقطه لرى تعاليم وايضاح ايديله چك اولان بوقانون اساسى بى آلان كنجى احتياج حس

کوسترمیه جک بر وضعیت اخلاقیه به اسرصاد ایتک اولدیفنی بیان ایدرک اخلاق جمعیت ایمچنده کی اهمیت مخصوصه سیه قوتله یارماق باصمشدور .

جمعیتی بر بنایه بکزه تبرسه ک ، اونی ایسته نیلین شکله آباقده ملوتان چنطوی ، خرچیده اخلاقه تشبیه ایده یلیرز . تاریخک هر هاتکی دوره سنی تدقیق ایتسه ک ، کورورز که ملترک قدرت و قابلیت حیاتیله لی دایما اخلاق جهه سیه عائد عاملردن متأثر اولمشدور . بو عاملرک ماهیتنه کوره دولتر ترقی ، توقف ویا انحطاط ایتشلدور . بوتون مؤرخلرک ادعاسنه کوره رومایمپراطورانی ، انقراضی انساننده مدنیته ک مترقی ردوره ده بولنیوردی . فقط اخلاق ، یعنی هیئت اجتماعیته معنوی باغلیری چوزولمشدی . شمالدن کن وباربارلر تسمیه ایدیلن بر طاقم ملتر اخلاق وسجیه اعتبارله رومالیرله فائق اولدولری ایچون ، زمانک جهان ایمپراطورلی بو اخلاق قوت قارشیمسندمه مغلوب ویمو اولدی .

اوزاقلره کیمکه حاجت یوق ! بوکونک بین المللی حیاتنده جهانشمول بررول اویانان بو یوک جمعیتلری تدقیق ایدلم . بالفرض آفلو - ساقسون هیئت اجتماعیسی ایله آلمان جمعیتک قدرت و قوت مبعولری آراشدیرلم . واصل اوله جفمن نتیجه یه عینلیر . بو یوک عرق و کولتور جامعهلرینک اک مهم مسندی وطنداش اخلاقدر . انگلیزک مشهور عالم اولان سجویه قوتنک اساسی ، انگلیز هیئت اجتماعیته ؛ جهان ملترلرینک باشنده بونان انگلیز هیئت اجتماعیته ک قدرت فاتحانه سیه ده انگلیز اخلاقه اسناد ایچوری ؟ انگلیز ، قوتل و آهنکدار بر هیئت اجتماعیته ک دوغوردی سرست و متعبدت بر شخصیتدر . انگلیز ایچون قانون بیلنه نهایت اخلاقی تعاملرک برافاده تحریریه سندن باشه برشی دکلدور . انگلیز ایله انگلیز هیئت اجتماعیته آراسنده کی اک قوتل باغ ، مشهور بر غرور ملینک وجوده کتیردیکی معنوی و اخلاقی رابطه در .

آلمان هیئت اجتماعیته سنک عقلره حیرت و برمن انکشاف قدرتنک اساسلرینک ده اخلاق عاملره مسند بولندیفنی ادراک مشکل دکلدور . هر شیتدن اول دولتی و ملیتی اولان آلمان ایچون دولت و ملت اک بیوک ایکی اجتماعی قیمتدر . دولت ، مله رهبرک ابدن ، ملت ، فردی شفقت و اهتامله سینه سنده بیلن بیوک حقیقتلردور . فرد آنجق بونلره خدمت و اطاعت ایتکله کندینه حقیقی خدمتی یاپیش اولور . انگلیز ،

ایتدیکی زمان یاننده بولاجق وهر هاتکی بر مسئله ده دولته قارشلی نصل بر وضعیتده اولدیفنی سهولته آکلایه جقدر .

بو ، بیلک صفحه سیه عائد اولان بر تدبیردر . فقط معلومدرک ، علم هر حالده عمل دیمک دکلدور . علم بذاته بر قیمت اولمقله برابر اک بیوک خاصه اجتماعیته سنی آنجق عمل ایله اکتساب ایدر . دماغک فعالیتنه اراده وسجیه فعالیتی انضمام ایتمه دکله نام بر قیمت اجتماعی وجود بوله ماز . جمعیت و یا خود نهائی شکل ایله دولت و فرد آراسنده کی متقابل مناسبتلر ایجه تثبیت و ادراک ایدلدکن سوکر ابوزارک عامی تطبیقی تأمین ، برنجی صفحه دن دهامهم ایکنجی بر صفحه ذالیت تشکیل ایدر . شبهه سز ، دولت ایله فرد آراسنده کی اک مهم حقوق و وظائف متقابلته ک تأمین تطبیقی ایچون قانونی بر طاقم مؤیدله لراحداث اولمشدر پولیس ، ژاندارمه ، محکمه ، جزا ، حبسخانه بو قسمه داخل مؤیدله لرک باشلیجه لیدر . فقط یالکز بونلر بر جمعیتک موجودیت وحسن انکشافی ایچون کافی کله ییلیری ؟ شبهه سز که خایر !

قانوناً هر تورلو مراسم ظاهریه سنی ایضا ایدرک بر عائله تشکیل ایچون عقد ازدواج ایدن و فقط معنأ و اخلاقاً آرالرنده کیمیسزاک بولنان بر قاری قوجا حیاتی تصور ایدیکز . بو ، هر ایکی طرفک ده سعادت زهرلین جهنمی بر حیاتدن بشقه برشی دکلدور . دولت ایله فرد آراسنده مبدائی هاتکی اساسه ارجاع ایدیلیرسه ایدیلستین ، عقد ایدلمش بولنان شرکت ده قانونلردن بشقه معنوی و اخلاقی رابطه لر ایله کسب قوت و صمیمیت ایتزایسه ، نهایت بوله عذاب انگیز بر ماهیت آلیر . و ملتک بتون نه نه رژیسی ، بر قوه عن مرکزیه تأثیری آلنده دایما داغیلیمقه آماده بر وضعیتده بولونان اجتماعی کتله نک حیاتی تأمین ایچین اوغراشماقله اسراف ایدلمش اولور . قانونلر مشترک بر حیاتک بوتون واقعه لرینی تنظیم ایدمه دیکی کبی ، جزالاندیرمقی ایسته دیکی حرکتلری ده نقصان سزجه تعقیب ایلیمز . بوساحه ده قانونلری انعام ایده جک اک بو یوک عامل اجتماعی اخلاقدر .

وطنداشلیق اخلاق و تربیه سیله اشتغال ایدن آلمان تربیه عامللردن بری بو تربیه نک غایه سی ، هیئت اجتماعیته یی پولیس و محکمه نک مداخله سینه لزوم

انکلیزی؛ آلمان، آلمانی آنجق انکلیز و آلمان هیئت اجتماعیه لرینک اعضاسی اولدینی ایچون سوهر. فردلر، آنجق جمعیه نسیله حائز اهمیتدرلر. بشری غایه لرك اك بویوکی دولت وملت حالنده متشکل هیئت اجتماعیه نك قدرت وانكشافنی تأمین ایتکدر.

کوریلورکه بوشکلده کی اخلاقك اسالاساسنی دیگر اندیشلك وفدا کارلق تشکیل ایتکده در. فقط بو، وطنداشنی، ملتنی دوشونمك وایجابنده اولر ایچون فدا کارلق ایتك کیفیت، فردی متضرر ایتك شویله دورسون، نتیجه اعتباریله ینه اونك سلامت و منافعه خادم بر حرکتدر. قوتلی بر جمعیت مفهومی، آنجق اخلاقك بوشکلی ایله قابل تصوردر.

انقلابدن اول تورك هیئت اجتماعیه سنه و بالنتیجه تورك اخلاقنه اجرای تأثیر ایدن باشلیجه ایکی عامل حکومت شکلی ایله دین تعصبی ایدی.

عثمانلی دولتی، ملی بر دولت اولقی شویله دورسون، اك بسیط دولت وظیفه لرینی بیله کوره جك ذهینت و قابلیتدن عاری ایدی. بو، بردولتدن زیاده، بر صنف مخصوصك ملتی استثمار ایچون وجوده کتیردیکی بر شرکته بکزه یوردی. اداره ایدنلرك یکانه دوشونجه سی، اداره ایدیلر ضررینه اوله رق قولایجه وحتی سفینه یاشامقدی. بو صورتله تورك هیئت اجتماعیه سی یکدیگرینه خصم ایکی زمره یه آیرلشدی. حکومت ملتك امل و مفکوره لرینی تمثیل دکل، اولرلی ادراك ایتکدن بیله اوزاقدی. حکومت، عادتا ملته دوشماندی. اساساً شرقده ضعیف اولان جمعیت حیاتی حکومتك بوشکلی سبتون فلجه دوچار ایدیوردی. اداره ایدنلر خارجنده قالان فردلرده بویله حکومته سوهرك اطاعت ایده ملریدی. دولت ایسه متقابل رابطه لرك تأمیننی آنجق قبا قوتدن بکله ردی. اونك ایچون دولتك خلق نظرنده یکانه تنالی پولیس و ژاندارمه اولیوردی. بویله بردولت شکنده فردلر وطنداش دکل، تبعه در. تبعه نك بتون دوشونجه سی دولتك، معناسنی آکلایا. مدینی تکلیف و تضییق لرندن ممکن مرتبه قاچیمقدر.

مقتدر اولورسه عسکرلکدن قاچار، ویرکوسنی ویرمز. یالکز کندی منفعتنی دوشونور. منافع عمومیه مفهومی اونك ایچون مبهم برشیدر. بویله بر جمعیتده حاکم اولان فعالیت شخصی منفعتلرك مجادله سیدر. تبعه اخلاق دیه بیله جکمز بتون

بوچکیشمه لر، دها زیاده منفی بر ماهیتی حائزدر. دوام ایتدیکی تقدیرده نتایجی جمعیتك انقساخنه منجر اولور.

حکومت شکلی ایله برابر اخلاقیا تمیزه اجرای تأثیر ایدن دیگر بر عاملده دینی تعصب ایدی. هیئت اجتماعیه ایچنده فردلرك استناد ایده جکی بر قیمت و مفکوره اولاینجه دینی اخلاق، زمینی کندسیسی ایچون بوش و سرست بولشدی. فقط حقیقی دین نره ده؟

حکومت شکلی استبداد دینی تأمین ایچون، فردلرده شخصی منفعتلرینی هیچ بر معنوی قیده تابع اولقسزین حاکم قیلمق ایچون دینی چوقدن ایستدکلری شکله افراغ ایتشلردی. دینك اجتماعی فضیلتلری، نهایت افسانوی و شخصی اعتقاد و تلقیلره ترك موقع ایلشدی. بش وقت نمازینی بر اقایان حاجی افندی، دنیا ایشنده، بالفرض آیش و یریشنده دینداشنی آلداتمقده بأس کورمزوی. تسبیحنی آلدن بر اقایان خوجا افندی جبه ده کیشدررکی بر نکاح و بر طلاق ایله متادیا عائله قوروب ییقمقده بر محذور تصور ایتزدی.

بویله، جمعیتك کیرلی و کیزلی تمایللرینه آلت اتخاذ ایدیلرک ماهیت و صافیت اصلیه سنی غائب ایله یین دینی اخلاقك اك برنجی وصفی نفرته شایان عمومی بر ریادر. بوریا پرده سی آلتنده جمعیتك حیاتی تهدید ایدن هر تورلو فضاغ اجرا ایدیلر. دین صرف سماوی و افسانوی بر ماهیت آیر. بوده نتیجه اعتباریله تبعه اخلاق قدر و بلکه دها زیاده هیئت اجتماعیه یی تخریب ایدر.

اساساً تبعه و تعصب اخلاقك عثمانلی دولتی ایچون احضار ایتمش اولدینی خبیع عاقبت جمله مزجه معلومدر. بودولت انحلال ایتدکدن صوکر هر تورلو فلاکتلره رغماً سینهنده چوق بویوک بر قابلیت حیاتیه وینه چوق بویوک بر مفکوره طاشییان تورك هیئت اجتماعیه سی یالکز باشنه قالدی. واونك سربنی کشف ایدن غازیسنک رهبرلکی ایله حیات واستقلال مجادله سنه آتیله ی.

استقلال مجادله سی هیچ شبهه سز، استقلال مجادله سی اخلاق ایله ظفره واصل اولشدر. نرم ایله چارپیشان و محو نامیزی استهداف ایدن قوتلر ماده هر حالده بزدن چوق اوستون ایدی. فقط اولنلرده نهایت بر استیلا آرزوسی، تورك هیئت

اجتماعیه سنده ایسه قورتولوش واستقلال مفکوره سی
حاکمدی . بوتون امللر منی ، حرکتلر منی ، بوتون
مادیات و معنویات منی یالکز و یالکز بو مفکوره ده
تمرکز ایتدیکی ایچون موفق اولدی ، وانقلابک برنجی
مرحله سی اجمال ایتدک .

تورک هیئت اجتماعیه سی سربست و مستقل بر
دولت حالنده بین المللی حیاتک قدرتی واعتباری بر
عضوی اولاروق جهانده اخذ موقع ایتدکدن سوکرا ،
غازینک امر و اشارت ایتدیکی ایکنجی مرحله نیک
قطعی لازم کلیوردی . بوده مدینت و ترقی مفکوره سنک
تحقیق ایچون ده چتین ، ده اوزون مساعی صرفتی
استلزام ایدیوردی .

حیات ، بالخاصه اجتماعی حیات متمادی . برسمی ،
متمادی برانقلابی آمردر . دولت آدملی ایچون
انقلاب یالکز سلاح وفان ایله مترافق اولان
انقلابلردن عبارت دکلدی . ملتیک جدال ورقابتی
ساحه سنده موفق اوله بیکی ایچون اولنرک بزدن اول
قطع ایتمش اولدقلری مرحله لری برآن اول قطع وحقی
ملی ایتمه من لازم کلکده در . بوکا ناصل موفق
اوله جفر ؟ طبق استقلال مجادله سی هنکامنده اولدینی
کی امللر منی ، حرکتلر منی یالکز بر نقطه ده
تمرکز ایتدی برک بوتون نه نه رزیر منی ، قوتلر منی
یالکز برغایه به حصر ایله برک چالیشیق صورتیه .

استقلال مجادله سی زمانده ، هرکون قارشیمزده
کوردیکمز دوشمان وطن محبتی ، اخلاق قوتی
متادیا روحلر منده آله ولندیرمکده ایدی . بوکون
قارشیمزده معین و آشکار بر دوشمان یوقسه ، بو حال
اخلاق و ذهنیتک تبدیلی ایجاب ایده جک بر سبب
تشکیل ایده بیلیری ؟ تورک انقلابنک و تورک هیئت
اجتماعیه سنک فرصت قوللایان ، کیزلی دوشمانلری
یوقمیدر ؟ بونله قارشلی سلاحلر من ناصل حاضر
بروضعیتده ایسه ، اخلاق قوتلر منی ، نه نه رزیر منده
دائما اوله اویاییق بوتالیدر . تورک استقلالنی
قازانان عینی عامل ، تورک انقلابنک تأمین وانکشاف
حیاتی ایچون ده الزمدر .

یکی تورک هیئت اجتماعیه سی ، بزلر ایچون یکی
بروطنداش اخلاقنک کفالت و تأمیناتی آلتنده
یاشایابیلیر .

تورک انقلابی ، ملیت وده موقراسی اساسلرینه
مستند یکی بر دولت قورمشدی . بودوات مواجهه سنده

فردلر آرتیق تبعه دکل ، برر وطنداشدرلر .
وطنداشلفک حقوق ووظائفی باشقه ماهیتده اولقی
اعتباریه اخلاقی ده تبعه اخلاقدن کلیاً فرقلیدر .
یکی تورک دولتی ، تورک وطنداشلرینی حاکمیت ملیه
اساسنه توفیقاً وطنک اداره و مقدراتنه اشتراک
ایتدی بررکن ، اولنرک بوحقوقه مقابل مسئولیتلرینی ده
آرتیرمشدی . مسئولیت ایسه آغیر بر یوکدر .
حسابی داعیدر . بونقطه یی دائماً نظر دقتده مواتاقلمز
ایجاب ایدر .

دولت و ملتک آیری اولدینی زمانلرده عمومی
ایشلره فردلرک علاقه دار اولماسنه امکان یوقدی .
جمهوریت دورنده بوآیرلیق قالمشدر . بوکونکی
تورک دولتی ، ملتک حیات واستقبالنه معطوف بتون
مفکوره لری سینه سنده طاشیمقده در . بو حقیقتک
شأنیت ساحه سنده تجلیسی و دولت ، ملت حیاتنک
هم آهنک اوله رق مقدر انکشافنی تعقیب ایده بیلمسی
ایچون وطنداش اخلاقنک برآن اول وجدانلر منده
بر طومسی لازمدر . وطنداش اخلاق نه در ؟
بونک بارز وصفلری یوقاریده کی ایضا حاکمزدن آرز
چوق آکلاشامش اولفله برابر اوزر منده دائماً اصرار
ایتمک فائده دن خالی دکلدی .

وطنداش اخلاقنک تورک هیئت اجتماعیه سینه
نسبتاً ایکی مهم مستندی دولتیجیلک و ملیتیجیلک
مفکوره لریدر .

فنا اعتبارلر و تورک انقلابنه کلنجه به قدر
کوردیکمز حکومت شکلری ، بزلری تردد و اعتماد .
سزافه آلیشدیرمشدی . بوکوزده برقسم وطنداشلرک
عینی حالت روحیه یی طاشیدقلری کورولمکده در .
بعض وطنداشلر دواته قارشلی مکلف اولدقلری بورجیلری ،
نه ماهیتده اولورسه اولسون ، اوده مکدن امتناع
ایتدکاری کی ، بعضلری ده دولت نفوذنی ، شخصی
منفعتلره آلت اتخاذ ایتمکدن چکینمیلر . سبق صیق ،
غرتهلرده اوقودیمز قاجاچلیق ، ووظیفه یی سوء
استعمال کی حادثهلر تبعه اخلاقنک هنوز یاشایان
نتیجه لرندن باشقه برشی دکلدی .

وطنداش اخلاق بونک تماماً ضدینی آمردر .
حیات ملیه ده ، خصوصی وایعموی بر خدمتده
بولسون ، هر فردک بتون فعالیتنه آنجیق دولت
منفعتی ، یعنی منفعت عمومی ده دوشونجه سی حاکم
اوله جقدر . دولتیجیلک مفکوره سنک اسالاسی
بودر . حقیقی جمهورتیجیلک آنجیق بواساسه رعایتله
تحقیق ایدر .

ملیجیلك مفكوره سنه كلنجه ؛ بوده اولككنك
متممی اولان برفضیلت اجتماعیه دن باشقه برشی دكلدر .
ملیتی اولق دیمك ، هر شیئدن اول ملتنداشنی
سومك دیمكدر . مقابل وطنداش محبتك اك برنجی
اساسی ده دیگر اندیشلك وفداكارلقدر . هیئت
اجتماعیه مزده بین الافراد بومتقابل محبتك هنوز آرزو
ایدلیکی درجه ده یرطو تدیفنه بعض مؤسف مثالر
ایله شاهد اولقده یز . کچنلرده غرتله لر مزدن بری ،
استانبول شهراماتی کیمیاخانه سنه برای تحلیل کوندیریلن
مواد غداشیه دن یاربستدن فضله سنك مغشوش وصحه
مضر بولندیئنك آكلشیلدیغنی یازمشدی . بونه دیمك ؟
بو ناصل برحالت روحیه نك نتیجه سیدر ؟ سوتنجی
صولی سودینی خالص دیه صاآار وبو حسابله پاره
ایستر . طوپدانشی بقالی ، بقال مشترینی آلداتغه
چالیشیر . جاری اولان ذهنیت ، یقینك ووطنداشك
ضررینه اوله رق قازانق ارزوسیدر . تجارت
خارجیه مزده ده مان عینی مه تودی تعقیب ایتك یوزندن
نه قدر متضرر اولدیغیزی بو ایشله مشغول اولانلر
آكلانقده در .

وطنداش محبتی ، وطنداشلر آراسنده لزومی اولان
تساندك نقطه عزیمتی تشکیل ایدر . معاصر جمعیتلرده تساند
وتعاونك نه بیوك بر قوت اولدیغنی ایضاحه حاجت یوقدر .
وقتیله مغشوش و مرائی بر تعصب اخلاقی پرده سی
آلتنده ارتکاب ایدیلن غیر اجتماعی ومضر حرکتلر
یالکز پرده نك اسمی دکیشدیر یلهرك دوام ایده جك
اولورسه ، بوندن بتون هیئت اجتماعیه ضرر کورور .
فضیلت وفداکارلق دیمك اولان وطنداش
اخلاقی ، هیئت اجتماعیه من ایچنده نشر ایده جك
اولان اك مهم عنصر ، اکثریتی اعتباریله خدمات

عمومیه باشنده بولنان منور زمره در . عثمانلی
ایمپراطورانی زمانده ایش باشنه کتیریلن بر
کیمسه ایچون اك بیوك سبب ترجیح « ارباب
ناموس و غفتدن اولسی » وصفی ایدی . بر انسان
ایچون اك بسیط بر وظیفه و مجبوریات اولان
بوصفتك بو طرزده استعمالی اووقتکی حیات ووظیفه
تلقیسنك ماهیتی کوسترمك اعتباریله شایان دقت
دکامیدر ؟

بوکون بتون وطنداشلر پره نسپ اعتباریله
ارباب ناموس و غفتدندر . فقط جمهوریت فضله اوله رق
اونلردن آیریجه بر سوکی وفداکارلقی ده ایستر .

وطنداش اخلاقنه کوره وطن محبتی یالکز حرب
زمانه وخارجی دوشمانه قارشى موضوع بحث اولماز .
اصل هر کونکی حیاتی مزده ، افعال مزده اظهار ایده جکمن
وطن محبتدرکه ، مملکتک ترقیسی وقابلیت تدافیه سنك
ترایدی ایچون ده ا زیاده الزمدر .

وطنداش اخلاقنك تأسیسی ایچون ، اول امرده
محیط اجتماعیزده کوك صالمش بولنان بعض مضر تلقیلرک
ازاله سنه چالیشمی مجبوریتی واردر . بو بولده کی مساعی
قسماً دولته ، قسماً ده افرا ده تعلق ایدر . افراد آره سنده
بالخاصه منور زمره یه وکنجلیکه اصابت ایدن مساعی
حصه سی ده ا مهمدر .

وطنداش اخلاقی مسئله سی ، ملیت مفكوره سنك
اجتماعی جبهه سنی علاقه دار ایتك اعتباریله بو مفكوره نك
قایناشدینی تورك اوچاقلری ده اوکا لاقید قالاماز .
بومساعی نه لر دن عبارتدر ؟ کنجلیکدن نه لر بکه یورز ؟
تعقیب ایده جك یازیمزده بونلره جواب ویرمکه
چالیشه جغز .

